

通鑑評語
一



2 121
1
3566
60327

通鑑評語
一

申涵煜 著

中華書局

2121
1
3567

通鑑評語
二

申涵煜 著

中華書局

叢書集成初編

通鑑評語（及其他一種二冊）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN7-101-00894-1/K·367

通鑑評語

此據畿輔叢書本
影印初編各叢書
僅有此本

通鑑評語卷一

幾輔叢書

申涵暉著

絺疵

絺疵可謂知者矣見韓魏無喜志有憂色知其必反見其視端疾趨知得其情知智伯之必亡也請使而去非知者而能如是乎易曰君子見幾不俟終日絺疵有焉階乎其汶汶於齊名反出豫讓下也

田子方

貧賤驕人是一時矯激之語謙受益滿招損溫恭爲德之基無論富貴貧賤皆不可驕後來加足帝腹實自此語開

之要是狂狷者流聖賢中正之道必不爾

吳起

吳起殺妻求將李克乃謂其貪而好色蓋貪心重併色亦不暇好矣他日爭相奔楚不得其死皆貪心使之也獨西河中流之對頗有儒將風是竊取曾子緒餘

聶政

聶政皮面決眼本不欲顯留姓名其姊哭向市人說出未免多事戰國好名心勝雖婦人女子不免習俗之移人也甚矣哉

苟變

二卵甚微便欲坐此廢棄衛法之嚴如此後世紀律不明縱軍擄掠者焉能道于三尺之誅然此時衛國已無綱紀是苛也而非嚴也故子思子以正言駁之

衛鞅

鞅曰君不能用子之言任臣又安能用子之言殺臣從來懦主肺腸被此二語道盡然非至殘忍之君亦斷無殺無罪之理留鞅不死以興秦者天也

申不害

世以申韓併稱韓術不售而死申卒得行其志夫豈可同日語且爲相者不過欲國富兵強而已韓坐爲十五年之

利其抱負爲何如哉惜乎其書不傳

公孫戍

戍受寶劍而諫孟嘗孟嘗書門版曰凡私得寶於外者疾入諫甚得受諫之體後世專設言官動疑其挾私夫果其言是也何必過爲吹求哉然聽言者固宜寬而進言者守身則不可不正

司馬錯

錯請伐蜀舍周識大勢有遠謀眞是秦之功臣若如張儀所言不過亂臣賊子舉動此時秦之氣候尙淺鮮有不敗乃事者

燕噲

學堯舜而過者燕噲學伊周而過者新莽誠僞異也三代以下此等事斷不易行唯成器之退讓博陸之廢立庶幾近之

陳軫

楚王貪癡之極軫旁觀者自靖但始教以陰合陽絕是爲首鼠繼教以併力攻齊是爲橫逆俱屬說士邪謀不得交鄰正理

武靈王

武靈王氣局豪邁是秦皇漢武一流晚年以溺愛不明嫡

庶構亂英雄失著兒女情長卒之餓死沙邱悲夫肥義不能調停事先而枉以身殉亦愚忠也

蔣相如

相如廷叱秦王五步內請灑頸血併不說出個道理亦太覺無賴秦所以不敢動者止因趙盛爲之備耳不然何憚一書生哉弇州謂其僥倖成功幾至僨事信然

許愿

許愿冒死而言兵事有膽有識然趙奢胸中原有成算卽使愿不言奢遂不厚集陳不爭據山徒以血氣爲勝負其去括也幾何哉

范雎

遠交近攻是嬴秦兼併天下張本使不得范雎之言前此儀衍紛紛之論到底茫無頭緒

觸龍

龍說太后故款款作家人語不覺易入後唯李鄴侯爲建膏辨冤得此委曲然龍臣也后君母也何至覲面媼之史記高帝紀云母曰媼豈古人卽以此爲尊稱耶不解

蔡澤

范雎結怨於秦深矣貪位不已必有車裂射尸之禍澤一旦以口舌代之雖係傾奪之謀實成急流之退卒得保其

腹領也澤之賜哉

縮高

王蠋縮高皆戰國時有數人物當狙詐昏濁之世而得此正氣扶之可謂綱常中砥柱彼豫讓者流俠也而非節也荆譚則近乎盜矣

茅焦

茅焦之言肆口醜詆不知始皇何爲改容豈動心於天下瓦解之言耶至欲就死以滿二十八宿之數尤屬荒唐

黃歇

陰謀盜國莫巧於不韋而拙於歇然究之身死族滅以國

易宗巧亦拙也或曰晉元帝何以長有其國曰此自元帝父所爲非小吏牛金計也

始皇

世界至秦又是一番開闢政所爲固不道而郡縣阡陌長城數大事後世皆因之雖有聖帝明王不能起而復古運氣使然也彼王莽之井田宇文之周官皆僭竊何足云

李斯

自古眞小人無不託爲僞君子獨李斯勸督責一書公然明目張膽非堯禹而滅仁義眞是苟患失之無所不至斯嘗受業於荀卿卿曰桀紂性也堯舜僞也殆授受所自來

歟

陳嬰

嬰母令嬰有所屬不爲首事深識時務蕭曹鄧馬輩攀龍附鳳俱是此意彼陳涉李密之流有愧巾幗多矣

章邯

章邯是一効敵諸侯所以不得長驅者以邯爲之捍禦耳趙高必欲驅之降羽而軍至霸上矣故曰未有權臣在內而大將能成功於外者也千古同慨

誅趙高

齋宮之誅甚快人意與魏孝莊誅爾朱榮從來無此簡捷

法雖俱不得善終可以告無愧於地下矣若曹髦之輕躁則人謀不善非盡天意也

范增

增既能望氣知沛公氣皆龍虎成五采此天授也而又欲擊之霸上擊之鴻門是以人與天爭矣天豈可違乎且羽屠城殺降徙都弑帝種種失著處不問一言勸阻則將焉用彼相矣疽發自斃于豎子乎何尤

董公

楚漢曲直全在義帝一事以留侯之智未嘗議及發喪而乃得之三老董公異日序功次宜在蕭曹之上按白戾太

子冤狀亦爲壺關三老茂何漢多賢三老耶

李左車

左車之言如用信耳果成禽乎曰未必信何以聞不用而喜也曰用其言則費時日難以一鼓而下矣善用兵者隨機應變必不以僥倖成功然而左車亦人豪哉

酈食其

立六國後酈生胸中止有一圖霸習見不復知帝王大計且魏豹田榮輩見反覆不常立後又焉可恃乎子房所見者大故卒能爲王者師

韓信